



UNDANG-UNDANG MALAYSIA

Akta A256

**AKTA SENJATAPI (PENALTI LEBEH BERAT)
(PINDAAN), 1974**



Tarikh Persetujuan Diraja 5hb Jun, 1974

Tarikh diterbitkan dalam *Warta* 13hb Jun, 1974

1974-11

REKOD KEMENTERIAN KEMAJLISAN
KUALA LUMPUR

UNDANG-UNDANG MALAYSIA

Akta A256

AKTA SENJATAPI (PENALTI LEBEH BERAT) (PINDAAN), 1974

Suatu Akta bagi meminda Akta Senjatapi (Penalti Lebeh Berat), 1971.

[8. 7. 1974]

PU(B) 291/74

MAKA INILAH DIPERBUAT UNDANG-UNDANG oleh Duli Yang Maha Mulia Seri Paduka Baginda Yang di-Pertuan Agong dengan nasihat dan persetujuan Dewan Negara dan Dewan Rakyat yang bersidang dalam Parlimen, dan dengan kuasa daripadanya, seperti berikut:

1. Akta ini bolehlah dinamakan Akta Senjatapi (Penalti Lebeh Berat) (Pindaan), 1974 dan hendaklah mula berkuat-kuasa pada tarikh yang ditetapkan oleh Menteri melalui pemberitahu dalam *Warta*. Tajuk ringkas dan mula berkuat-kuasa.
2. Tajuk panjang Akta Senjatapi (Penalti Lebeh Berat), 1971 (kemudian daripada ini disebut "Akta ibu") adalah dipinda dengan memotong noktah selepas sahaja perkataan "tertentu" dan menambah selepasnya perkataan-perkataan "dan bagi kesalahan-kesalahan tertentu berkenaan dengan senjatapi.". Pindaan bagi tajuk panjang. Akta 37.
3. Seksyen 2 Akta ibu adalah dipinda dengan— Pindaan bagi seksyen 2.
 - (a) memasukkan takrif baru yang berikut sebelum sahaja takrif "kesalahan berjadual"—
 - “berdagang senjatapi” ertinya—
 - (a) menjual atau memindahmilik, atau menyimpan atau mendedahkan untuk dijual atau dipindahmilik, sesuatu senjatapi bersalahan dengan seksyen 10 (1) Akta Senjata, 1960;

- (b) membaiki atau menerima untuk dibaiki sesuatu senjatapi bersalahan dengan seksyen 10 (2) Akta itu;
- (c) memindahmilik, menjual atau menawarkan untuk dijual sesuatu senjatapi kepada seseorang yang lain daripada seorang yang dinyatakan dalam seksyen 11 (1) Akta itu;
- (d) mengimpot sesuatu senjatapi bersalahan dengan seksyen 14 (1) Akta itu; atau
- (e) membuat sesuatu senjatapi bersalahan dengan peraturan-peraturan yang dibuat di bawah Akta itu tanpa apa-apa kebenaran sebagaimana yang dikehendaki oleh peraturan-peraturan itu;” dan

(b) memasukkan takrif-takrif baru yang berikut selepas sahaja takrif “melepaskan tembakan”—

21/60.

“memiliki senjatapi dengan menyalahi undang-undang” ertinya memiliki, menjaga atau mengawal sesuatu senjatapi, atau membawanya, bersalahan dengan peruntukan-peruntukan Akta Senjata, 1960;

14/53.

“penjara seumur hidup” ertinya penjara selama tempoh hayat orang yang dijatuhkan hukum itu walau apapun peruntukan seksyen 3 Ordinan Keadilan Jenayah, 1953 dan mana-mana undang-undang bertulis yang lain yang berlawanan dengannya;”.

Seksyen
baru 3A.

4. Akta itu adalah dipinda dengan memasukkan seksyen baru 3A yang berikut selepas sahaja seksyen 3—

“Penalti
bagi rakan-
rakan
sejenayah
dalam hal
melepaskan
tembakan
senjatapi.

3A. Jika, dengan niat hendak menyebabkan kematian atau kecederaan kepada seseorang, seseorang melepaskan tembakan senjatapi pada masa melakukan atau cuba melakukan atau bersubahat melakukan suatu kesalahan berjadual, tiap-tiap seorang daripada rakan-rakan sejenayahnya mengenai kesalahan itu yang berada di tempat kesalahan itu dilakukan atau dicuba dilakukan atau disubahati dilakukan, yang mungkin dengan menasabah dianggap telah mengetahui bahawa orang itu telah membawa atau ada dalam

SENJATAPI (PENALTI LEBEH BERAT) (PINDAAN)

5

miliknya atau di bawah jagaan atau kawalannya senjatapi itu hendaklah, walaupun tiada apa-apa kecederaan disebabkan dengan lepasan tembakan itu, dihukum bunuh melainkan jika ia membuktikan bahawa ia telah mengambil segala langkah yang menasabah untuk mencegah lepasan tembakan itu.”.

5. Seksyen 4 Akta ibu adalah dipinda dengan menggantikan perkataan-perkataan “penjara sa-lama tempoh yang boleh sampai dua puluh tahun dan boleh juga di-hukum sebat” yang terdapat dalam dua baris yang akhir dengan perkataan-perkataan “penjara seumur hidup dan juga dihukum sebat tidak kurang daripada enam kali”.

Pindaan
bagi
seksyen 4.

6. Akta ibu adalah dipinda dengan memasukkan seksyen-seksyen baru 5, 6, 7, 8 dan 9 yang berikut selepas sahaja seksyen 4—

Seksyen baru
5, 6, 7, 8
dan 9.

“Penalti
kerana ada
senjatapi
dalam
melakukan
suatu
kesalahan
berjadual.

5. Seseorang yang pada masa melakukan atau cuba melakukan atau bersubahat melakukan suatu kesalahan berjadual ada pada dirinya suatu senjatapi hendaklah dihukum penjara seumur hidup dan juga dihukum sebat tidak kurang daripada enam kali.

Penalti
kerana
menunjuk-
kan
senjatapi
tiruan dalam
melakukan
suatu
kesalahan
berjadual.

6. Seseorang yang pada masa melakukan atau cuba melakukan atau bersubahat melakukan suatu kesalahan berjadual menunjukkan suatu senjatapi tiruan dengan cara yang mungkin mendatangkan ketakutan mati atau cedera kepada seseorang hendaklah dihukum penjara selama tempoh yang boleh sampai sepuluh tahun dan juga dihukum sebat tidak kurang daripada tiga kali.

Penalti
kerana
berdagang
senjatapi.

7. (1) Seseorang yang berdagang senjatapi hendaklah dihukum—

(a) bunuh; atau

(b) penjara seumur hidup dan juga dihukum sebat tidak kurang daripada enam kali.

(2) Seseorang yang dibuktikan sebagai memiliki lebih daripada dua senjatapi dengan menyalahi undang-undang hendaklah dianggap sebagai berdagang senjatapi.

Penalti kerana memiliki senjatapi dengan menyalahi undang-undang.

8. Seseorang yang memiliki sesuatu senjatapi dengan menyalahi undang-undang hendaklah dihukum penjara selama suatu tempoh yang boleh sampai empat belas tahun dan juga dihukum sebat tidak kurang daripada enam kali.

Penalti kerana berkawan dengan orang-orang yang membawa senjatapi.

9. Seseorang yang berkawan, atau didapati ada bersesama, dengan seorang lain yang memiliki suatu senjatapi dengan menyalahi undang-undang dalam hal keadaan yang menimbulkan anggapan yang menasabah bahawa ia telah mengetahui bahawa orang lain itu telah memiliki senjatapi itu dengan menyalahi undang-undang hendaklah dihukum penjara selama suatu tempoh yang boleh sampai empat belas tahun dan juga dihukum sebat tidak kurang daripada enam kali, melainkan jika ia membuktikan bahawa ia ada alasan-alasan yang menasabah bagi mempercayai bahawa orang lain itu telah tidak memiliki senjatapi itu dengan menyalahi undang-undang.”.

Pindaan bagi Jadual.

7. Jadual kepada Akta ibu adalah dipinda dengan menambah kesalahan-kesalahan yang berikut kepada kesalahan-kesalahan yang disenaraikan di dalamnya—

“5. Melarikan orang atau mencolek di bawah seksyen-seksyen 363 hingga 367 Kanun Keseksaan dan seksyen 3 Akta Pencekikan, 1961.

6. Pecah rumah atau menceroboh rumah di bawah seksyen-seksyen 454 hingga 460 Kanun Keseksaan.”.